

ოზურგეთის მუნიციპალიტეტი



გამარტივებული ელექტრონული ტენდერის საშუალებით ოზურგეთის მუნიციპალიტეტის **სოფელ ბოხვაურში და სოფელ შემოქმედში**, სტიქიით გამოწვეული ზარალის სალიკვიდაციო სამუშაოების შესყიდვის

სატენდერო დოკუმენტაცია

CPV45200000

2015 წელი

ქ. ოზურგეთი

ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.6 პრედენდენტს არა აქვს უფლება წარმოადგინოს ალტერნატიული წინადადება

2. ტექნიკური დოკუმენტაცია

2.1. წარმოდგენილი უნდა იქნეს როგორც იურიდიული, ასევე ფიზიკური პირებისაგან:

- ა) რეკვიზიტები და სატენდერო წინადადების ფასი (დანართი №1);
- ბ) ინფორმაცია ანალოგიური სამუშაოების შესრულების გამოცდილების შესახებ (დანართი №2); პრეტენდენტს 2012 წლის იანვრიდან 2015 წლის ოქტომბრამდე შესრულებული უნდა ჰქონდეს არანაკლებ 150 000 (ასორმოცდაათათასი) ლარის ღირებულების სანშენებლო/სარემონტო სამუშაოები. აღნიშნულის დასადასტურებლად პრეტენდენტმა სისტემაში უნდა ატვირთოს შესაბამისი სამუშაოების შესრულებაზე გაფორმებული ხელშეკრულებები და მიღება ჩაბარების აქტები.
- გ) ინფორმაცია პერსონალის კვალიფიკაციისა და გამოცდილების შესახებ (დანართი №3); მიმწოდებელს უნდა ყავდეს 1 მშენებელი ინჟინერი მაინც ანალოგიური სამუშაოს შესრულებაზე მინიმუმ 5 წლიანი გამოცდილებით.
- დ) ინფორმაცია მატერიალურ-ტექნიკური ბაზის შესახებ (დანართი №4);
- ე) შევსებული ხარჯთაღრიცხვები.

შენიშვნა 1: გამარჯვებული მიმწოდებლის მიერ სისტემაში დაფიქსირებულ საბოლოო ფასსა და სავარაუდო ღირებულებას შორის 20%-ისა და მეტი სხვაობის შემთხვევაში, პრეტენდენტმა, შემსყიდველის მიერ მითითებულ ვადაში, უნდა წარმოადგინოს ექსპერტის მიერ გაცემული დადებითი დასკვნა ფასის ადეკვატურობაზე. აღნიშნული დასკვნის წარმოდგენლობა ავტომატურად გამოიწვევს პრეტენდენტის დისკვალიფიკაციას.

2.2 სატენდერო წინადადების ფასი არ უნდა აღემატებოდეს შესყიდვის სავარაუდო ღირებულებას ან უნდა იყოს შესყიდვის სავარაუდო ღირებულებაზე სულ მცირე ერთი ბიჯით ნაკლები. ტექნიკური დოკუმენტაციის ატვირთვისა და წინადადების ფასის მითითების შემდეგ, დაუშვებელია ატვირთული ტექნიკური დოკუმენტაციის სისტემის მეშვეობით შეცვლა, გაუქმება ან წაშლა.

2.3 წინადადებების წარმოდგენა შესაძლებელია მხოლოდ სისტემის მეშვეობით აფიდავიტის პირობებზე დათანხმების, ელექტრონული გარანტიის წარდგენისა და საფასურის გადახდის შემდეგ. სატენდერო წინადადება ძალაშია „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-2 მუხლის პირველი პუნქტის „რ“ „ს“ ან „ტ“ ქვეპუნქტებით გათვალისწინებული ეტაპის დადგომამდე.

3. ანგარიშსწორების პირობები:

3.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.2. „მიმწოდებელთან“ ანგარიშსწორება განხორციელდება ეროვნულ ვალუტაში;

3.3. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით, საქართველოს მთავრობის 2015 წლის 29 ივნისის #1381 განკარგულების საფუძველზე გამოყოფილი თანხებიდან;

3.4. მიმწოდებლის მოთხოვნის შემთხვევაში შემსყიდველი განახორციელებს წინასწარ ანგარიშსწორებას, სახელშეკრულებო ღირებულების 30%-ის ოდენობით, შესაბამის თანხაზე ბანკის მიერ გაცემული უპირობო საბანკო გარანტიის წარმოდგენის შემთხვევაში.

3.5. შემსრულებელს ავანსად მიღებული თანხა დაუკავდება ეტაპობრივად - შესრულებული სამუშაოს ღირებულების შესაბამისად.

3.6. ანგარიშსწორება „შემსყიდველის“ მიერ მოხდება ეტაპობრივად, შესრულებულ სამუშაოზე „ფორმა №2“-ისა და შესრულებულ სამუშაოზე გაფორმებული აქტის საფუძველზე, შესაბამისი დოკუმენტაციის წარმოდგენიდან 15 (თხუთმეტი) სამუშაო დღის განმავლობაში.

3.7. სამუშაოები მიღებულად ჩაითვლება საბოლოო მიღება-ჩაბარების აქტის გაფორმების შემდეგ, რომელსაც თან უნდა ერთვოდეს შესრულებულ სამუშაოებზე ექსპერტის დადებითი დასკვნა, რომლის ანაზღაურებაც მოხდება მიღება-ჩაბარების აქტის გაფორმებიდან 15 სამუშაო დღის ვადაში.

3.8. ექსპერტიზის ხარჯებს აანაზღაურებს მიმწოდებელი.

3.9. ტენდერში გამოყენებული იქნება სატენდერო წინადადების უზრუნველყოფის საბანკო გარანტია, რომელიც უნდა იქნას წარმოდგენილი სატენდერო განცხადებაში მითითებული სავარაუდო

ღირებულების 1%-ის ოდენობით და მოქმედების ვადა უნდა შეესაბამებოდეს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-16 მუხლის მე-2 პუნქტის მოთხოვნებს.

3.10. ხელშეკრულების შესრულების უზრუნველყოფის საბანკო გარანტირების მექანიზმი არ გამოიყენება.

4. შესასრულებელი სამუშაო

4.1. სტიქიით გამოწვეული ზიანის სალიკვიდაციო სამუშაოები ოზურგეთის მუნიციპალიტეტის სოფლებში:

4.1.1. სოფელ ბოხვაურში (ვენერა გვრიტიშვილის ეზოს მიმდებარედ) მდინარის კალაპოტის რეაბილიტაცია.

4.1.2. სოფელ ბოხვაურში (მანანა გირკელიძის ეზოს მიმდებარედ) მდინარის კალაპოტის ჯებირის მოწყობა.

4.1.3 სოფელ შემოქმედში (გიზო ლომინაძის საკარმიდამო ნაკვეთთან) გაბიონის მოწყობა.

5. ტექნიკური დავალება:

5.1. შესყიდვის ობიექტის ტექნიკური პარამეტრები და აღწერილობა მოცემულია თანდართულ საპროექტო-სახარჯთაღრიცხვო დოკუმენტაციებში.

5.2. სამუშაოს შესრულებისას დაცული უნდა იყოს უსაფრთხოებისა და გარემოს დაცვის ნორმები.

6. ტექნიკური დოკუმენტაცია

6.1. ინფორმაცია მატერიალურ-ტექნიკური აღჭურვილობის შესახებ უნდა მოიცავდეს სამუშაოების ჩასატარებლად საჭირო მექანიზმებსა და მოწყობილობების ჩამონათვალს და უნდა აიტვირთოს ერთიან ელექტრონულ სისტემაში.

6.2. აღნიშნული მატერიალურ-ტექნიკური აღჭურვილობის იჯარით სარგებლობის შემთხვევაში იჯარის დამადასტურებელი დოკუმენტები უნდა აიტვირთოს ერთიან ელექტრონულ სისტემაში ტექნიკურ დოკუმენტაციასთან ერთად.

6.3. ტენდერში მონაწილე პრეტენდენტს ტენდერით გათვალისწინებული სამუშაოების ჩასატარებლად უნდა გააჩნდეს საკუთარი ან საქართველოს სამოქალაქო კოდექსით ნებადართული ან აუკრძალავი ნებისმიერი ფორმით (ქირა, თხოვება და ა.შ.) თანამედროვე ტექნიკური მოთხოვნების შესაბამისი შემდეგი მანქანა მექანიზმები:

№	დასახელება	რაოდენობა (არანაკლებ)
1	ექსკავატორი	1
2	თვითმცლელი ავტომანქანა	1

7. მიწოდების პირობები და ვადები:

7.1. სამუშაოს (ეტაპის) მიღება განხორციელდება ეტაპობრივად, შემსყიდველის მიერ შექმნილი ინსპექტირების ჯგუფის და შემსრულებლის უფლებამოსილი წარმომადგენლის თანდასწრებით, რაზედაც შედგება უფლებამოსილი წარმომადგენლების ხელწერებით დამოწმებული შესაბამისი აქტი.

7.2. სამუშაოს დასრულების საბოლოო ვადა განისაზღვრება ხელშეკრულების **გაფორმებიდან 45 კალენდარული დღით.**

7.3. ხელშეკრულებით განსაზღვრული ვადების დარღვევის შემთხვევაში ყოველი ვადაგადაცილებულ დღეზე დამრღვევ მხარეს ეკისრება პირგასამტეხლო ხელშეკრულების მთლიანი ღირებულების 0.1%-ის ოდენობით. იმ შემთხვევაში, თუ „მიმწოდებლის“ მიერ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 3%-ს, „შემსყიდველს“ უფლება აქვს შეწყვიტოს ხელშეკრულება.

7.4. შემსყიდველი უფლებამოსილია შეწყვიტოს ხელშეკრულება ნაკისრი ვალდებულებების შეუსრულებლობის შემთხვევაში. აღნიშნულ შემთხვევაში, „მიმწოდებელს“ ეკისრება პირგასამტეხლოს გადახდა ხელშეკრულების საერთო ღირებულების 10 პროცენტის ოდენობით;

7.5. ხელშეკრულების პირობების შეუსრულებლობისათვის, მიმწოდებლის დაჯარიმების შემთხვევაში, შემსყიდველი იტოვებს უფლებას არ მოახდინოს საბოლოო ანგარიშწორება პირგასამტეხლოს გადახდამდე.

8. შესყიდვის ობიექტის ხარისხი და გარანტია

8.1. შესყიდვის ობიექტის ხარისხი უნდა პასუხობდეს საპროექტო სახარჯთაღრიცხვო დოკუმენტაციის მოთხოვნებს.

8.2. შესრულებული სამუშოს საგარანტიო ვადა საბოლოო მიღება-ჩაბარების გაფორმებიდან შეადგენს 1 (ერთი) წელს.

8.3. მიმწოდებელი ვალდებულია საგარანტიო პერიოდში გამოვლენილი ნაკლის ან დეფექტის გამოვლენის შემთხვევაში აღმოფხვრას დეფექტი/ნაკლი საკუთარი ხარჯებით.

პრეტენდენტის მიერ სატენდერო წინადადების წარმოდგენა ნიშნავს, რომ იგი ეთანხმება შემსყიდველის ყველა იმ მოთხოვნას, რომელიც აღწერილია სატენდერო დოკუმენტაციაში.

9. დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში.

ქ. ოზურგეთი, კოსტავას ქ. №1, საკონტაქტო პირი: სატენდერო კომისიის აპარატის წევრი მიხეილ შილაკაძე. ტელ.: 599 333 223

E-Mail: oz.sheskidvebi@gmail.com

ხელშეკრულება სახელმწიფო შესყიდვის შესახებ № (პროექტი)

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების დროს)

ქ. ოზურგეთი

----- 2015 წელი

ერთის მხრივ ოზურგეთის მუნიციპალიტეტი (შემდგომში „შემსყიდველი“), წარმოდგენილი გამგებლის მერაბ ჭანუყვამის სახით და მეორეს მხრივ ----- (შემდგომში „მიმწოდებელი“), წარმოდგენილი ----- სახით, ვხელმძღვანელობთ რა საქართველოში მოქმედი კანონმდებლობით, შემსყიდველის მიერ ჩატარებული ელექტრონული ტენდერის (SPA-----) საფუძველზე, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. სამუშაოები ნაწილობრივი ან მთლიანი სამუშაოებისათვის და სამოქალაქო მშენებლობის სამუშაოები (CPV კოდი - 45200000)

2. შესყიდვის ობიექტი

2.1. სტიქიით გამოწვეული ზიანის სალიკვიდაციო სამუშაოები ოზურგეთის მუნიციპალიტეტის სოფლებში:

2.1.1. სოფელ ბოხვაურში (ვენერა გვრიტიშვილის ეზოს მიმდებარედ) მდინარის კალაპოტის რეაბილიტაცია.

2.1.2. სოფელ ბოხვაურში (მანანა გირკელიძის ეზოს მიმდებარედ) მდინარის კალაპოტის ჯებირის მოწყობა.

2.1.3 სოფელ შემოქმედში (გიზო ლომინაძის საკარმიდამო ნაკვეთთან) გაბიონის მოწყობა.

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს ----- (-----) ლარს.

3.2. ხელშეკრულების საერთო ღირებულება მოიცავს მიმწოდებლისათვის მოქმედი კანონმდებლობით განსაზღვრულ ყველა გადასახდელს.

4. შესყიდვის ობიექტის მიწოდების ვადები, ადგილი და პირობები

4.1. შესყიდვის ობიექტის მიწოდების საბოლოო ვადაა ხელშეკრულების გაფორმებიდან 45 კალენდარული დღე.

4.2. შესყიდვის ობიექტის მიწოდების ადგილია: ოზურგეთის მუნიციპალიტეტი.

4.3. შესყიდვის ობიექტი მიწოდებულად ითვლება ორმხრივ ხელმოწერილი მიღება-ჩაბარების აქტის გაფორმების შემდეგ. შემსყიდველის მხრიდან მიღება-ჩაბარების აქტს ხელს აწერს შემსყიდველის მიერ შექმნილი ინსპექტირების ჯგუფი.

5. ხელშეკრულების მოქმედების ვადა

5.1 ხელშეკრულება ძალაშია მისი ხელმოწერის დღიდან და მოქმედებს -----

6. შესყიდვის ობიექტის მიღება-ჩაბარების წესი

6.1. შესრულებული სამუშაოს (ეტაპის) ჩაბარება ხორციელდება ეტაპობრივად, შესრულებულ სამუშაოზე შედგენილი მხარეების უფლებამოსილი წარმომადგენლების მიერ დამოწმებული შესაბამისი აქტის საშუალებით.

6.2. სამუშაოს (ეტაპის) დასრულების შემდეგ მიმწოდებელი წერილობით მიმართავს შემსყიდველს, წერილს თან უნდა ერთვოდეს შესყიდვის ობიექტის მიღებისათვის საჭირო ყველა დოკუმენტი.

7. შესყიდვის ობიექტის ხარისხი და გარანტია

7.1. შესყიდვის ობიექტის ხარისხი პასუხობდეს საპროექტო სახარჯთაღრიცხვო დოკუმენტაციის მოთხოვნებს.

7.2. შესრულებული სამუშაოს საგარანტიო ვადა შეადგენს 1 (ერთი) წელს.

8. ანგარიშსწორების ფორმა, გრაფიკი (ვადები)

- 8.1. „მიმწოდებელთან“ ანგარიშსწორება განხორციელდება ეროვნულ ვალუტაში;
- 8.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;
- 8.3. მიმწოდებლის მოთხოვნის შემთხვევაში შემსყიდველი განახორციელებს წინასწარ ანგარიშსწორებას, სახელშეკრულებო ღირებულების 30%-ის ოდენობით, შესაბამის თანხაზე უპირობო საბანკო გარანტიის წარმოდგენის შემთხვევაში.
- 8.4. შესრულებელს ავანსად მიღებული თანხა დაუკავდება ეტაპობრივად - შესრულებული სამუშაოს ღირებულების შესაბამისად.
- 8.5. ანგარიშსწორება „შემსყიდველის“ მიერ მოხდება ეტაპობრივად, შესრულებულ სამუშაოზე „ფორმა №2“-ისა და შესრულებულ სამუშაოზე გაფორმებული აქტის საფუძველზე, შესაბამისი დოკუმენტაციის წარმოდგენიდან 10 (ათი) სამუშაო დღის განმავლობაში.
- 8.6. შუალედური ანაზღაურება განხორციელდება არაუმეტეს ნაზარდი ჯამით სახელშეკრულებო ღირებულების 80 %-სა.
- 8.7 სამუშაოები მიღებულად ჩაითვლება საბოლოო მიღება-ჩაბარების აქტის გაფორმების შემდეგ რომელსაც თან უნდა ერთვოდეს შესრულებულ სამუშაოებზე ექსპერტის დადებითი დასკვნა, რომლის ანაზღაურებაც მოხდება მიღება-ჩაბარების აქტის გაფორმებიდან 15 სამუშაო დღის ვადაში.
- 8.8. ექსპერტიზის ხარჯებს აანაზღაურებს მიმწოდებელი.

9. მხარეთა უფლება-მოვალეობანი

- 9.1. „შემსყიდველი“ ვალდებულია:
 - გადასცეს მიმწოდებელს ინფორმაცია შესყიდვის ობიექტის მიწოდებასთან დაკავშირებული ყველა არსებითი გარემოების შესახებ;
 - აანაზღაუროს შესრულებული სამუშაოს ღირებულება .
- 9.2.. „შესყიდველს“ უფლება აქვს:
 - განახორციელოს კონტროლი და ზედამხედველობა „მიმწოდებლის“ მიერ ხელშეკრულების პირობების დაცვაზე;
 - საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.
- 9.3. „მიმწოდებელი“ ვალდებულია:
 - დაიცვას ხელშეკრულებით გათვალისწინებული ყველა პირობა;
 - დააკმაყოფილოს „შემსყიდველის“ მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით;
 - სამუშაოების პარალელურად მისი ძალებითა და სახსრებით სამუშაო მოედანი პერიოდულად გათავისუფლოს სამშენებლო ნაგვისაგან, ნარჩენი მასალებისაგან, დროებითი ნაგებობებისაგან და ა.შ.
- 9.4. „მიმწოდებელს“ უფლება აქვს:
 - მოთხოვოს „შემსყიდველს“ გაწეული მომსახურების შუალედური და საბოლოო ანაზღაურება ხელშეკრულებით გათვალისწინებული პირობებით.

10. მხარეთა პასუხისმგებლობა ხელშეკრულების დარღვევისას

- 10.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 10.2 ხელშეკრულებით განსაზღვრული ვადების დარღვევის შემთხვევაში ყოველი ვადაგადაცილებულ დღეზე დამრღვევ მხარეს ეკისრება პირგასამტეხლო ხელშეკრულების მთლიანი ღირებულების 0.1%-ის ოდენობით. იმ შემთხვევაში, თუ „მიმწოდებლის“ მიერ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 3%-ს, „შემსყიდველს“ უფლება აქვს შეწყვიტოს ხელშეკრულება.
- 10.3 შემსყიდველი უფლებამოსილია შეწყვიტოს ხელშეკრულება ნაკისრი ვალდებულებების შეუსრულებლობის შემთხვევაში. აღნიშნულ შემთხვევაში, „მიმწოდებელს“ ეკისრება პირგასამტეხლოს გადახდა ხელშეკრულების საერთო ღირებულების 10 პროცენტის ოდენობით;
- 10.4. ხელშეკრულების პირობების შეუსრულებლობისათვის, მიმწოდებლის დაჯარიმების შემთხვევაში, შემსყიდველი იტოვებს უფლებას არ მოახდინოს საბოლოო ანგარიშსწორება მიმწოდებლის მიერ პირგასამტეხლო გადასახადის სრულ დაფარვამდე.

11. ხელშეკრულების შესრულების გარანტია

11.1 ხელშეკრულების შესრულების უზრუნველყოფის გარანტირების მექანიზმი გამოყენებული არ იქნება.

12. ხელშეკრულების პირობების გადასინჯვის შესაძლებლობა

12.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3. წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

12.4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების საერთო ღირებულების 10%-ზე მეტი ოდენობის გაზრდა;

12.5. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

13.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

14. ფორს-მაჟორი

14.1. მხარეები არ არიან პასუხისმგებელი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და სამხარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

14.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

14.3. მხარე, რომელსაც შეექმნა ფორს-მაჟორული გარემოება დაუყოვნებლივ წერილობით აცნობებს ამის შესახებ მეორე მხარეს.

15. დავები და მათი გადაწყვეტის წესი

15.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

15.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

16. ხელშეკრულების პირობების შესრულების კონტროლი

16.1. „შემსყიდველი“ უფლებამოსილია შესყიდვის ობიექტის მიწოდების პარალელურად

განახორციელოს შემოწმება, რომლის მიზანია მიწოდებული შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

16.2. ხელშეკრულების პირობების შესრულების კონტროლს შემსყიდველის მხრიდან განახორციელებს შემსყიდველის მიერ საამისოდ დანიშნული უფლებამოსილი პირები.

16.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

16.4. გამოვლენილი დეფექტის ან ნაკლის აღმოფხვრასთან და ხელახალ შემოწმებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

17. სხვა პირობები

17.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

17.2. მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

17.3. ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა, სამი პირი ინახება შემსყიდველთან, ერთი - მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

17.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

17.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ, ითვლება ხელშეკრულების განუყოფელ ნაწილად და სავალდებულოა შესასრულებლად.

17.6 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

17.7 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის საშუალებით, იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

18. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი, თანამდებობა:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის დასახელება და კოდი:

ანგარიშის ნომერი:

2. სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი:

ხელმოწერა: -----

ბ.ა.

ინფორმაცია 2012 წლის იანვრიდან 2015 წლის ოქტომბრამდე განხორციელებული ანალოგიური სამუშაოს შესახებ

№	შესყიდვის ობიექტის დასახელება	შემსყიდველის დასახელება	სახელშეკრულებო ღირებულება	ფაქტიურად შესრულებული სამუშაოს ღირებულება	სამუშაოს შესრულების პერიოდი
1					
2					

ხელმოწერა: -----

ბ.ა.

ინფორმაცია ტენდერში მონაწილის პერსონალის კვალიფიკაციისა და გამოცდილების შესახებ

№	გვარი, სახელი	თანამდებობა	დიპლომის მიღების თარიღი და ადგილი	დიპლომის №/ ვის მიერ არის გაცემული	სპეციალობა დიპლომის მიხედვით	გამოცდილება (მიუთითეთ ობიექტი და/ან მუშაობის ადგილი/ვადები)
1. 2. 3. . . .						

ხელმოწერა: -----

ბ.ა.

ინფორმაცია სამუშაოს შესასრულებლად საჭირო მატერიალურ-ტექნიკური აღჭურვილობის შესახებ

№	დასახელება	აღწერა, მოდელი, მარკა	რაოდენობა	მდგომარეობა (ახალი, ნახმარი, ექსპლოატაციისთვის ვარგისი)	საკუთარი, იჯარით აღებული
1.					
2.					
3.					
.					
.					
.					

ხელმოწერა: -----

ბ.ა.